

# **Oqaasiliortut ataatsimiinnerat**

**Tallimannorneq, novembarip 21-anni 2014, nal.10.00  
Oqaasileriffimmi.**

Peqataasut: *Carl Chr. Olsen, Karl Møller aamma Stephen Heilmann.*

Peqataasinnaanani nalunaartoq: *Eva Møller Thomassen*

Erninermut atatillugu sulinngiffeqartoq: *Katti Frederiksen*

Allatsi: *Judithe Denbæk*

## **Oqaluuserisassatut siunnersuutit:**

1) Tikilluaqqusineq aamma ilisimatitsissutit.

Siulittaasoq tikilluaqqusivoq, ilisimatitsillunilu Katti Frederiksen 2015-imi maajip naanerata tungaanut erninermut atatillugu sulinngiffeqassammat Judithe Denbæk allatsitut paarlattaagallassoq. Nutserisut oqaatsinik atorneqartunik paatsoortarsimanagerat peqqutaalluni gymnasiebekendtgørelsip kalaallisuuata uteqattaassutaalaarnera eqqaaneqarpoq, taamaammallu Oqaasileriffik kukkunersiuinerup tungaatigut ikiorsiunneqarsimasoq aamma eqqaaneqarluni. Inatsisitaq piareeriarpat CCO-p Judithemut. 2015-imi januaarip aallaqqaataanit CCO soraarningussaaq, atorfimmullu qinnuteqarsimasut ikippallaqimmata decembarimi atorfik allagartaliunneqaqqissalluni.

2) Kingullermi ataatsimiinnermit imaqarniliaq akuerineqarpoq.

3) Saaffiginnissutit.

a) Aasianni aqquernup atserneqarnera Oqaasiliortunit akuerineqarsinnaanersoq saaffiginnissutigineqarpoq imalu isummerfigineqarpoq, kommunit ataanni aqqusinernik atersuinerit kommuninit namminneq aalajangiiffigineqartartut Oqaasiliortunit pinnatik,

aqqusinermulli ateritikkumasaat saaffiginnissutaasoq kalaallisut  
ajunngitsumik allanneqartoq.

b) Kalaallit Nunaata nunap immikkoortuinut kommunimullu  
immikkoortiterneqarnera pillugu saaffiginnissut eqqartorneqarpoq, tassanilu  
inerniliunneqarluni nunap immikkoortiterneqarnera kommunillu  
immikkoortiterneqarneri immikkut isiginiarneqassasut, nunallu  
immikkoortiterneqarnerani atorineqassasooq ukuninnga immikkoortitsineq:  
Avannaarsua Kitaa aammalu Tunu. Saaffiginnissutigineqartumi qallunaatut  
taaguutit Nordøstgrønland, Sydøstgrønland, Sydvestgrønland, aammalu  
Nordvestgrønland pinnatik.

c) Nunat aqqisa suussusiisa nalunaarsuutaasa kalaallisut taaguutaat pillugit  
Nunat aqqinik akuersisartut saaffiginnissutaat. Suliaq Nunat aqqinik  
akuersisartunit naammassineqareerpat aatsaat Oqaasiliortunut  
ingerlateqqinneqassasooq aalajangerneqarpoq.

4) Taasariaqartut allat

a) Kingullermi ataatsimiinnermi (oktobarip 23-anni) oqaluuserisat ilaannut  
Inuit aqqi pillugit atuakkiamut tunngatillugu Nuka Møller aggersarneqarpoq  
suliap sumut killinnera pillugu ilisimatitsissuteqartinneqarluni. Inatsit Inuit  
Aqqinik Akuersisartunut attuumassutillip inatsisartunit akuerineqarnissaa  
atuakkiap naqiterneqarnissaanut kinguarsaataasoq taakkartorpa. Juullip  
nalaani naqiteriviit ulapittarnerat NM-ip ilisimatitsissutigaa siusinnerpaamillu  
ilimagineqartoq 2015-imi februarip missaani atuakkap  
naqiterneqarsinnaanissaa, naqitertitassanngorlugulu nassiunneranit sapaatip  
akunneri tallimat utaqqinertaqarnissaa ilimasaarutigineqarsimasooq NM  
ilisimatitsivoq. Naqitertitat amerlassusissaat pillugu NM-ip eqqaavaa  
siullermik kissaatigineqarsimasooq 4.000-iussasut, ullutsinnili digitalimik  
ingerlaneruleriartorneq eqqarsaatigalugu naammassorineqarput taamaallaat  
1.200-t 2.000-illu akornanni naqitertinneqarpat, saniatigullu CCO-p  
siunnersuutigalugu naqitertinnginnerani digitalinngorlugulu  
saqqummiunneqarnissaa. Isumaqatigiissutip nutaap ilanngunneqarnissaa  
eqqarsaatigalugu nutaamik aallaqqaasioriarlugulu naqitertitassanngornissaanut  
piareernissaa ilimasuutigineqarpoq.

b) CCO-p eqqaassutigaa maanna Oqaasiliortuni ilaasortat qinigaaffiat  
naalermat, taamaammat Nunat aqqisa suussusiisa nalunaarsuutaasa

kalaallisut taaguutissaasa ataatsimiinnissami tulliuttumi NAA-mi naammassineqareeripat Oqaasiliortuni naammassineqarnissaa siunniukkusullugu.

c) Aamma Tusagassiornermik Ilinniarfimmi aqqissuussineqartussaasoq tusaamaneqarpoq. KNR-ip nutaamik inatsisiliorfigineqarnissaani Oqaasiliortut oqaaseqartinneqarnissaat pingaartinneqarpoq. Tamassumunnga atatillugu kissaatigineqaralarpoq Oqaasiliortut tusarniarneqarnissaannut ammaanneqassasut. Tassunga tunngatillugu CCO Pia Lyngemut paasiniaassalluni nalunaarpoq.

Inussiarnersumik inuulluaqqusilluta

Carl Chr. Olsen

Siulittaasoq

Judithe Denbæk

Allatsi